

يادىما سن دوشورسن ...

گونش اتكلرينى ييغير اولدوزلار يانير
اوقون قوجاغينا نور پياله جالانير
كوچه لرده سرگردان گيجه لن كؤلگه كيمي
بورلاغانلار قوينوندا گوره نده اوره گيمي
يادىما سن دوشورسن

قولاغىما جالانير ، آخير غملى سؤزلرين
طالعيمة تيكيلير او نگران گؤزلرين
وفالى خيالىن لا من اوز - اوزه دوراندا
فيكىرلر قاناديندا بير آن تكك اوتوراندا
يادىما سن دوشورسن

گوز گومده پنجره مده هر بير شئى سندن دئيير
گزدىگيميز كوچه لر سنى مندن ايسته بير
ايندى مندن كوسوبلر آغاج لاردا يول لاردا
باشيميزا ياغيشان اويناق ياغيش دا قاردا
يادىما سن دوشورسن

سنى اونودوم دئيه يوخولارا قاچيرام
دئمك سنى گؤرمگه بير پنجره آچيرام
گاه ايليشير گؤز لريم بير غملى خاطره يه
گؤز لريمى يومورام سنى اونودوم دئيه
يادىما سن دوشورسن